

Ambil pendekatan pemuliharaan alam sekitar

SIFE UMS bantu jaga Pulau Mantanani

Oleh SITI NOR AZIZAH TALATA

utusansabah@utusan.com.my

UM 11.07.2012 26

KOTA KINABALU 10 Julai - Pulau Mantanani yang terletak kira-kira 80 kilometer (km) dari sini, begitu terpinggir sehingga hanya sebilangan penduduk tempatan mengetahui akan kewujudan pulau tersebut.

Perjalanan untuk ke pulau itu dari Jeti Kuala Rampayan Laut, Kota Belud mengambil masa 60 minit menggunakan bot laju.

Pulau Mantanani juga terkenal dengan aktiviti memancing dan selama pernah mencipta sejarah dengan daya tarikan ikan dugong.

Namun kini, longgokan sampah sarap boleh dijumpai di lautan atau sepanjang pantai di pulau tersebut.

Justeru, Student In Free Enterprise (SIFE) Universiti Malaysia Sabah (UMS) mengambil pendekatan membantu penduduk tempatan mengenai kaedah terbaik menjaga kebersihan dan alam sekitar pulau itu.

Ketua SIFE UMS, Amanda Teo Peh Lee berkata, satu bengkel mengenai cara pemuliharaan alam se-

Kami turut berkongsi ilmu tentang pembuatan 'beg duit mesra alam' yang diperbuat daripada pembungkus plastik kepada ibu tunggal, suri rumah dan kanak-kanak Pulau Mantanani.

AMANDA TEO PEH LEE
Ketua SIFE UMS

kitar diadakan khusus untuk penduduk di pulau itu sempena lawatan SIFE, baru-baru ini.

"Dalam bengkel itu, kami turut berkongsi ilmu tentang pembuatan 'beg duit mesra alam' yang diperbuat daripada pembungkus plastik kepada ibu tunggal, suri rumah dan kanak-kanak Pulau Mantanani.

"Reka bentuk beg istimewa itu ditambah dengan kemahiran dan kecekapan dalam bidang jahitan penduduk boleh dijual sekali gus dapat menjana pendapatan mereka," katanya.

Melalui bengkel itu, Peh Lee berkata, penduduk kampung bukan sahaja mampu mengurangkan masalah longgokan sampah yang ada di pulau tersebut malah mereka dapat

menjana pendapatan sampingan.

Menurutnya, penduduk Pulau Mantanani dengan bimbingan SIFE UMS kini lebih prihatin terhadap penjagaan alam sekitar.

"Kami tidak dapat menyelesaikan masalah ini dalam sehari, tetapi kami mampu mengubah cara hidup penduduk setempat melalui pendidikan dan penglibatan dalam komuniti," ujarnya.

SIFE UMS ditubuhkan pada 2005 dan merupakan sebuah organisasi antarabangsa yang tidak membawa keuntungan dan menjalinkan kerjasama dengan pemimpin-pemimpin dalam bidang perniagaan bagi memberi peluang kepada pelajar universiti berbakti kepada komuniti.



PESERTA SIFE UMS mengajar penduduk Pulau Mantanani teknik menjahit beg tangan, baru-baru ini.